

Թիւ 24277
Փետր. 22, 1974

Արժանաշնորհ
Տ. Արսէն Բհնյ. Պարսամեան
Հովիւ Ս. Յակոբ Հայց. Եկեղեցւոյ
Նախագահ ծխական Խորհուրդի
Որչմընտ, Վա.

Սիրելի Տէր Արսէն,

Ստացած ենք Փետրուար 7, 1974 թուակիր 2եր տեղեկագիրը, որով կը հաղորդէք թէ 2եր նախագահութեամբ Յունուար 27ին գումարուած համայնքի ծխական ժողովին մէջ կատարուած է ծխական Խորհուրդի չորս անդամոց ընտրութիւնը, եւ ներկայացնելով քուէարկութեան արդիւնքը՝ կը խնդրէք ընտրուած անձերու վաւերացման պաշտօնագիրը:

Նկատի ունենալով որ 2եր ծխական ժողովը տեղի ունեցած է Թեմական Կանոնադրութեան տրամադրութեան համաձայն, այսու կը վաւերացնենք ծխական Խորհուրդի նորընտիր անդամները, ըստ ստորեւ տրուած ցանկին:

Համեցէք փութով Առաջնորդարան դրկել ծխական Խորհուրդի նորընտիր անդամոց ստացած քուէներու գումարը, նորընտիր Դիւանի անդամոց եւ Եկեղեցւոյ ընթակայ մարմիններու վարչութեանց ատենապետներու անունը, հասցէն եւ հեռաձայնի թիւը:

Օրհնելով ծխական Խորհուրդի նոր կազմը, կը մաղթենք Ձեզի եւ 2եր պաշտօնակիցներուն յաջող եւ արդիւնաւոր գործունէութեան տարի մը, ի պայծառութիւն Ս. Եկեղեցւոյ եւ ի հոգեւոր շինութիւն համայնքի մեր սիրեցեալ ժողովուրդին:

Սիրոյ ողջունիւ

ԹՈՐԳՈՄ ԱՐՔԵՊԻՍԿՈՊՈՍ
Առաջնորդ

Փիթըր Կրին
Տոքթ. Մուրատ Զրնէբլեան
Մովսէս Թաշմեան
Վահէ Կարապետեան